



**R.P. Petri Leurenii Societatis Jesu, SS. Theologiæ
Doctoris, & SS. Canonum Professoris Vicarius Episcopalis,
Sive Tractatus Quaternarius Per Quæstiones & Responsa
Canonica Deductus**

Leuren, Peter

Coloniae Agrippinae, 1708

493. An alienare possit bona ecclesia propriæ vacantis.

[urn:nbn:de:hbz:466:1-74203](#)

resol. 24. citans Meroll. *tom. 3. d. 7. c. 7. dub. 1. n. 36.* Pith. *n. 47.* Fagn. *in cit. c. 10 annes. n. 8.* qui etiam *n. 7. notat;* officium compellendi executores testamentarios non tantum spectare ad Episcopum, sed etiam ad inferiorem Prælatum, habentem jurisdictionem quasi episcopalem; cum talis in iis, quæ jurisdictionis sunt, veniat nomine diaconi, in gl. *in Clem. i. de foro compet. v. Diaconi,* quam ibi sequitur *mol. n. 28.* Vitalin. *n. 5.* Abb. *n. 15.* Unde iam etiam infert, competere dictam potestatem eorum Capitulis prælaturâ vacante.

4. Respond. ad quartum: Succedit similiter in compellendis, etiam religiosis piarum voluntatum. Executoribus ad reddendas rationes executionis. Barbos. *loc. cit. n. 77.* citans Quarant. *v. Capit. sed. vac.* Dian. *loc. cit. resol. 24.* Azor. *l. 3. c. 39. q. 6.* Pith. *loc. cit.*

Quæstio 490. An Capitulum sede vacante exigere possit rationes ab Administratore, seu piorum locorum?

R Esp. affirmativè. Barbos. *loc. cit. n. 78.* citans Quarant. *v. Capit. sed. vac. versi 7.* Zerol. *in pr. Episc. p. 1. v. Capit. §. 9.*

Quæstio 491. An adire possit hereditatem ecclesia legatarum?

R Esp. affirmativè. Azor. *loc. cit. q. 6.* Quam tamen si Episcopus successor damnosam ecclesiam repererit; beneficio restitutions in integrum repadiare potest. Azor. *ibid.* ubi etiam ait, pari modo posse Capitulum transfigere, & compromissum facere; & citat pro his Pavin. *p. 2. q. 7. n. 18.*

Quæstio 492. An Capitulum sede vacante autorizare possit alienationem bonorum ecclesia inferioris?

R Espond. affirmativè. Quia Capitulum hoc casu non alienat propriè, sed interponit autoritatem Ecclesie ex legitima causâ alienanti, quod jurisdictionis est, & sèpe necessariu[m]. Azor. *loc. cit. 37. q. 14.* citans Molin. *de luf. tract. 5. d. 11. num. 15.* Pavin. *p. 2. q. 8.* Feder. *de Sen. de permis. benef. tit. de devolut. n. 104.* Pith. *loc. cit. n. 51.* citans Abb. *in c. cum olim. q. 3.* Ventrigl. *tom. 2. anno. 15. §. 1. n. 27.* citans Meroll. *Theol. mor. tom. 3. d. 7. n. 162. & seq.* Prosper de S. August. addit. ad Quar. *in sum. Bullar. v. Capit. sed. vac.* Intelligendu[m] tamen hæc sunt de casu, in quo Episcopus poterat dictam alienationem autorizare, ut expresse Ventrigh. & Azor.

Quæstio 493. An Capitulum sede vacante alienare possit bona ecclesia propria vacantis?

1. R Espond. Capitulum non succedit in jure alienandi bona ipsius ecclesie vacantis. Ventrigl. *loc. cit.* Pith. *loc. cit.* ubi: Capitulum Cathedralis sede vacante non potest donare jura episcopatus, seu bona ecclesie vacantis, sive immobilia, sive mobilia pretiosa, qua servando servari possunt. Fagn. *in c. his que. de major. & obed. num. 58.* & *in c. novit. ne sede vac. num. 23.* Azor. *loc. cit. q. 13.* Dian. *loc. cit. resol. 28.* citans Baunium *Theol. moral. tom. 1. tract. II. q. 27.* ac remittens ad Mol. *tract. 5. d. 11. n. 15.* & Meroll. *tom. 3. d. 7. c. 7. dub. 17. per tot.* Imò caret omni potestate mutandi statum Ecclesiæ, & exequendi, quidquid futuro Episcopo

P. Leuren. *Tract. III. De Capit. sed. vac.*

præjudicium generare potest. Ventrigl. *loc. cit. juxta c. 1. & ult. ne sede vac.* Quod si tamen alienatio esset in utilitatem ecclesie, posse tunc eam facere Capitulum, ait Azor. pro quo citat Pavin. *p. 1. q. 6. n. 11. & 12.* Buttr. & Abb. *in c. 1. ne sede vac.* Sed dandum tunc defensorem ecclesie, & præmisso tractatu, & cum cogitatione causa tunc facienda alienationem; pro quo citat Redoan. *tr. de reb. eccl. non alien. tit. quæ sit sede vac.* Verumtamen etiam si magna urget necessitas, adhuc non posse fieri alienationem, tenent Gl. *in c. novit. ne sed. vac.* v. *sede vac.* Vincent. *in c. ad abolendam. de heret.* Archid. *in c. precaria. 12. q. 2. n. 2.* Præpos. *ibid. n. 1.* Bellam. *circa medium.* apud Fagn. *loc. ult. cit. n. 24.* hanc reddentes rationem: quod cum ecclesia comparetur pupillo, & fruatur jure minoris. c. 1. & c. 2. q. 6. *ad dit.* de in integ. ref. Sicut pupillus nihil alienare potest sine autoritate Tutoris. l. 1. & 2. c. de author. præstand. ita nec ecclesia, dum caret pastore, alienare potest sine consensu Episcopi (intellige, dum est ecclesia inferior) sicut nec dubium est, ecclesiam cathedralem viduatam Episcopo de consensu Papæ urgente necessitate posse alienare. Quod etiam facit, quod habet Fagn. *loc. cit. n. 28.* quod, dum ecclesia panormitana fuit Archiepiscopo suo viduata, minimè licuit Capitulo, aut Clero consente impositioni gabellarum in præjudicium Archiepiscopatus, non obstante, quod nova impositio gabellarum facta fuerit ad relevandas communiones Cleri, & populi necessitates, ex quo laicorum facultates non suppetunt; quoniam præter hac duo requiritur etiam consensus Archiepiscopatus cum Clero juxta c. non minus. & c. adversus. de immunit. Eccl. Quare cum sede vacante deficiat consensus Archiepiscopi, nihil prodest communia necessitas, & laicorum inopia; Facit quoque huc cit. v. novit. ne sede vac. in cuius casu Monachi petentes dissolti unionem, quæ monasterium erat Bathoniensi episcopo unitum, pro causa adducentes, quia per hoc poterat subveniri ruitæ ecclesie, eos nihilominus Papa, quia ecclesia bathoniensis vacabat, & non erat, qui jus episcopale defenderet, noluit exaudire; sed preces eorum distulit, usque dum dicta sedes iterum esset plena.

2. Quod si tamen ingrueret casus maxima[n]a necessitatis, ex gentis tantam celeritatem, ut neque alienatio differri posset ad futurum successorem, neque pro alienandi licentia recurriri posset ad Sedium Apostolicam, permitti tunc fore Capitulo præmisso tractatu, & cogita causa alienatio; ed quod necessitas, præsertim maxima, recessum à jure frequenter permittit, facitque licitum, juxta c. quæcunque de consuetud. & reg. 4. de regul. juris, quod alias licitum non erat. Wiestner. *de alien. rer. eccl. p. 1. a. 4. n. 15. & a. 5. n. 10.* cum Abb. *in c. fin. de eccl. adif. n. 8.* & Molin. *loc. paulo post citando.*

3. De cetero tametsi, ut dictum, dubium non sit, posse Capitulum vacantis Episcopatus bona alienare accedente autoritate Sedis Apostolica data ab ea ad hoc defensore jurium, & bonorum episcopalium. Datus tamen administrator episcopatus vacanti, quamvis etiam plenam haberet tam in temporalibus, quam spiritualibus administrationem, adhuc ejus bona immobilia alienare nequiret, aut ad hoc capitulo dare licentiam (nisi forte ad hoc speciali instructus potestate) Molin. *tr. sa de luf. d. II. n. 15.* & ex eo Wiestner. *cit. a. 5. n. 9.* qui & hinc recte iterum infert; si id non possit talis Administrator, multò minus id posse Capitulum, utpote cujus minor quam illius est potestas.

4. Porro alienationes factas à Capitulo sine consensu Papæ Episcopus Successor confirmatus rescindere, aut, si ad Ecclesiam suam utilitatem pertinent, confirmare poterit Molin. loc. cit. Dian. cit. resol. 38. juxta can. 15. Synodi Ancyranæ, qui refertur c. si qua. de rebus. 12. q. 2.

5. Atque ex his inferitur, quod si Capitulum bona ad mensam episcopalem spectantia in alios transferre nequeat absque Sedis Apostolica authoritate, multò minus possit ea ad suam, seu Capitularem mensam transferre: idque non solum, quod vacans Prælatura seu dignitas episcopalis careat legitimis defensoribus; sed etiā, quod Capitulum hac ratione in proprio facto, sive in commodum, & utilitatem propriam præstaret authoritatem contra l. pupillus. ff. de author. Tutor. Wiestner. loc. cit. n. 10. juxta Clem. 2. de reb. eccles. non alien. junctâ gl. v. menfa.

6. Et hæc de bonis Episcopatus Immobilibus, aut mobilibus, quæ servando servari possunt. Nam si sint mobilia, quæ servando servari nequeunt, sed quæ tempore sunt interitura, ea à Capitulo vel economo ab eo constituto alienari possunt etiam sine Superioris authoritate. Fagn. in c. his qua. de major. & obed. num. 31. Molin. loc. cit. & cum illis Wiestner, non secus ac à tutoribus distrahri possunt ejusmodi res pupillorum juxta l. lex, qua r. t. r. c. de administ. tutor. Idque merito, ne si tempore sedis vacantis ejusmodi res non permettentur distrahiri, alienationis prohibito ob favorem ecclesiæ iuncta in ejus dispendium detorquenter contra Regul. quod ob gratiam. de Reg. jur. in 6.

7. Illud hic subiungendum, regulariter Capitulo sede vacante occupante, vel dilapidante bona ad ecclesiam vel successorem spectantia, suspendi Canonicos ab officio, & beneficio, usque dum restituant per c. quia. de elect. Ventrigl. loc. cit. num. 27. citans Bonac. tom. 1. de susp. d. 3. p. 5. §. 2. num. 2.

Quæstiō 494. Num Capitulum sede vacante iudicare queat de causis pertinentibus ad Episcopum?

Esp. negativè. Molin. loc. cit. & ex eo Wiestner. cit. a. 5. num. 12. Item Laym. in c. audit. de in integ. restit. n. 3. ubi: Capitulum pro iuribus episcopalibus sede vacante in judicio contendere non potest; citat seipsum Theol. mor. l. 3. tr. 4. c. 11. Fagn. in c. novit. ne sed. vac. n. 22. ubi: etiā Capitulu sede vacante succedit in iurisdictionibus, non tamen succedit in potestate deducendi iura Episcopi in judicium, etiam defendendo, ut notabiliter Abb. in c. his qua. de major. & obed. n. 4. Et hæc juxta c. fin. ne sed. vac. ubi à Papa tanquam nulla reprobantur depositiones testimoni vacante, & legitimo defensori carente ecclesiæ recepta. Siquidem, ut dictum, Ecclesia vacans fungitur vice, & gaudet jure minoris; judicium verò, & sententia lata contra minorem tutore, & curatore carentem & indefensum est nulla, juxta l. acta & l. contra. ff. de re judicata. Unde, ut contra ecclesiam vacantem lata sententia teneat, ea administratorem, seu defensorem ad agendum à Papa datum habere debet. Molin. Wiestner loc. cit. qui citat pro se Gigas de pension. q. 65. n. 5. Abb. & Barbos.

z. Quod hic dicitur de Capitulo Cathedrali, idem est de Capitulo seu ecclesia inferiore qui-

dem, exempta tamen, & Papæ immediatè subjecta. De cætero, si est ecclesia inferior Episcopo subjecta, ejus vacantis Capitulum, seu conventus interveniente autoritate episcopalí tanquam immediati sui Superioris, ecclesiæ, vel monasterii sui iura agendo, & respondendo tueri potest in iudicio, præsertim, si id exigat aliqua necessitas, vel vacancia sit diu duratura. Si autem sit ecclesia non collegiata, aut conventionalis, ejus res, & iura tueri potest Episcopus. Wiestner. num. 13. citans Laym. de reb. Ecclesia alien. c. 3. n. 49.

3. Excipitur hic iterum casus magnæ, & notorioræ necessitatis; cum enim hac urgente valeat à Capitulo alienari res immobilis Ecclesiæ, maled magis pro ea agi potest in iudicio. Wiestner. n. 15. citans Gl. in c. doceri. v. debeant. de rescriptis. Sic ait Molin. loc. cit. num. 16. quando tamen periculum esset, ne testes competentes postea examinari possent, aut propter senectutem, ne interim morerentur, vel quia vita alicuius illorum perficitaretur, aut si discedere vellet in partes longinquas, ita ut non facilè copia illorum haberi posset, tunc validè possent examinari sede vacante.

4. Et hæc quidem de bonis, & iuribus prælatiæ propriis, aut etiam eidem, & Capitulo communib[us], ut expressè Molin. cit. n. 16. controversis exigentibus cognitionem definitionemque iudiciale, super quibus, ut dictum, Capitulum actionem, aut defensionem sufficiere nequit. Si enim sint bona ipsius Capituli diversa, & divisa à bonis episcopalibus, seu Prælatura, super iis convenire, & conveniri in iudicio sede vacante; immo plenā potest Capitulum per procuratorem vel syndicū suum. Wiestner. n. 14. & 15. Pirk. ad tit. de reb. eccl. non alien. n. 8. Molin. loc. cit. ubi etiam, quod licet, si sedes non vacaret, ad id requiratur consensus in gravibus, arduisque rebus, intelligitur tamen, si adsit, præstarere eum consensu possit.

Quæstiō 495. An Capitulum sede vacante iudicare queat de causis pertinentibus ad Episcopum?

Esp. Non potest iudicare, ubi vertitur quæstiō super proprietates alicujus certi juris, seu iurisdictionis; an ad Episcopum pertineat vel non; v. g. dum contenditur, num quis subjectus, an exemptus; num beneficium sit jurispatronatū, an liberæ collationis Episcopi. Idque etiamsi istæ quæstiōes jam cæptæ adhuc vivente Episcopo. Dian. p. 8. tr. 4. resol. 10. Ventrigl. tom. 2. annot. 15. §. 1. n. 65. citans Payn. de potest. Capit. sed. vac. p. 1. q. 9. Meroll. tom. 3. d. 7. c. 7. n. 27.

Quæstiō 496. An Capitulum sede vac. possit præbere consensum renunciationi immunitatis à secularibus exactiōibus?

Esp. negativè. Fagn. in c. novit. de sed. vac. n. 23. ubi addens rationem sic inquit: cum ecclesiæ, ecclesiasticæq[ue] personæ, ac res ipsarum non solum jure humano; sed etiam divino à secularibus exactiōibus sint immunes, juxta c. quanquam. de sensibus. in 6. non potest Vicarius capitularis assensu præbere; quia Capitulum sede vacante non succedit in potestate alienandi iura, & bona ecclesiæ. &c. Huc quoque facit, quod dictum quæstiō ante hanc penult. nimurum quod Capitulo non licet consentire impositione gabellarum, dum vacat Episcopatus, in ejus præjudicium.

Quæstiō